


გილოცავთ 3 და 8 მარტს!



მუნიციპალიტეტის საინფორმაციო გაზეთი №5(67) 2014 წ. 1-15 მარტი ფასი 50 თეთრი

„სოფლის პროგრამის“ პრიორიტეტების გააძლიერება დასრულდა

10 მარტს საგარეჯოს მუნიციპალიტეტში დასრულდა „სოფლის მხარდაჭერის პროგრამის“ პრიორიტეტების გამოვლენა სოფლებში.

საგარეჯოს მუნიციპალიტეტის გამგებელი გიორგი ლოლაძე, გამგებლის მოადგილე ბესიკ მარტიაშვილი, პროგრამის პრიორიტეტების გამოსავლენად შეხვედრა მუნიციპალიტეტის მთელი რიგი სოფლების მოსახლეობას.

სოფლებში პირველ პრიორიტეტად სასმელი წყლის სათავე-ნაგებობის რეაბილიტაცია და შიდა საუბნო ქსელების მოწყობა დასახელდა.

საგარეჯოს მუნიციპალიტეტის გამგებლის საზოგადოებასთან ურთიერთობის სამსახური



შიბლიანში



უღაბნოში



მანავში

გილოცავთ!

დედის დღესა და ქალთა საერთაშორისო დღეს ვულოცავთ საგარეჯოს სკოლამდელი აღზრდის დაწესებულებათა გაერთიანების ყველა თანამშრომელ ქალბატონს, ვისურვებთ ყოველივე კარგსა და ლამაზს ცხოვრებაში. თქვენ საბავშვისმცებლო საქმიანობით ერთგულად ემსახურებით საგარეჯოს მუნიციპალიტეტის ბატარების აღზრდას, მათ სრულყოფილ მოქალაქეებად ჩამოყალიბებას. გამარჯვებები და წარმატებები გეხვეიოთ, რომლისკენაც ასე მიზანსწრაფულად მიისწრაფით.

აიპ „საგარეჯოს სკოლამდელი აღზრდის დაწესებულებათა გაერთიანების ხელმძღვანელობა“



თამილა ჯოხაძის ნახატი

ვაზაფხულის შემობრძანებას და ლამაზ დღესასწაულებს დედის დღეს – 3 მარტსა და ქალთა საერთაშორისო დღეს – 8 მარტს ვილოცავთ საგარეჯოს სპორტგაერთიანების ყველა თანამშრომელ ქალს. თქვენ თქვენეული ერთგულებით, საქმის სიყვარულით და დიდი ენთუზიაზმით ემსახურებით საქმეს, რომელსაც ჩვენ მუნიციპალიტეტის მოზარდი თაობა, ახალგაზრდობა ფიზიკური და სულიერი სიჯანსაღისკენ მიჰყავს. თქვენი საქმიანობით ტოლს არ უდებთ მამაკაცებს იმ საკუთების კუთებაში, რომელიც საძირკველს უყრის გარეჯული სპორტის ფართო სარბიელზე წარმატებით წარმოჩენისთვის. ჩვენ გვებაყვებით ისეთები, როგორებიც ხართ – თქვენი ნდობა, თქვენზე დაყრდნობა შეიძლება, რადგან თქვენ დალატი არც შეგიძლიათ და არც ვჩვენებთ!

მაშ, კვლავაც ერთად ავწიოთ ჩვენ ჩვენეული ტვირთი თქვენთან ერთად. ყოველთვის გამარჯვებულები და გალადებულები გვაჩვენოს უფაღმა თქვენი თავი.

კეთილი სურვილებით, უდიდესი პატივისცემით

საგარეჯოს სპორტგაერთიანების თანამშრომელი მამაკაცები.



ღანიშვნა

კოჯბანის თემის რწმუნებული შმაგი ბერიძე



დაიბადა 1971 წელს სოფ კოჯბანში 1988 წელს დაამთავრა გომბორის საშუალო სკოლა და სწავლა განაგრძო თელავის იაკობ გოგებაშვილის სახელობის პედაგოგიური ინსტიტუტის ისტორიო-ფილოლოგიის ფაკულტეტზე, რომლის დამთავრების შემდეგ მიენიჭა სპეციალობა – ისტორიკოს-სამართალმცოდნე. უმაღლესი სასწავლებლის დამთავრების შემდეგ ეწეოდა შინა ფერმერულ მეურნეობას. მიმდინარე წლის 5 მარტს შმაგი ბერიძე საგარეჯოს მუნიციპალიტეტის გამგებლის ბრძანებით კოჯბანის თემის რწმუნებულად დაინიშნა.

სასოფლო-სამეურნეო ბარათები

მოიხსნა და მიიღინაჩეოვს ხვნა

მუნიციპალიტეტის სასოფლო-სამეურნეო საგარეჯოში გრძელდება 17 თებერვლიდან დაწყებული საქართველოს მთავრობის მიერ მცირემიწიან ფერმერთა საგაზაფხულო სამუშაოებში ხელშეწყობის პროგრამა.

საქართველოს სოფლის მეურნეობის სამინისტროს საგარეჯოს საინფორმაციო-საკონსულტაციო სამსახურის მონაცემებით, საგარეჯოში მოსახლავი 2665, 7 ჰა-დან 10 მარტის მდგომარეობით სასოფლო-სამეურნეო ბარათებით მოხსნილი იყო 901,58 ჰა მიწა. ამ დროისათვის ყველაზე მეტი სამუშაოები ჩატარებული ჰქონდა შპს „მექანიზატორის“ საგარეჯოს ბრიგადას, რომლის მეწევერია გიორგი მარხვაშვილი. მთლიანობაში ამ ბრიგადის მექანიზატორებს უკვე მოხსნილი ჰქონდათ 581,24 ჰა მიწა. აქედან ყველაზე მეტი – 135,45 ჰა – საგარეჯოში, 89 ჰა – მანავში, 81,82 – ნინოწმინდაში, 56,24 – გიორგიწმინდაში, 63,62 – პატარძელში, 28,85 – თოხლიაურში, 30,4 ხაშში, წყაროსთავში – 75, კოჯბანში – 12,38, გომბორში – 2,6, უჯარმაში – 5,9 ჰა.

ამავე რიცხვისათვის ბაღიაურის ბრიგა-

დასასრული მი-2 გვ.

„საქართველო ზეხიდან ლექსთა კანთაონია“

კონსტანტინე გამსახურდია

ზღვისფერი გაქვს თვალები და,
 თავად ჰგაგხარ ზღვას,
 თუ არ შეგებრალე და მისთხოვდები სხვას,
 მივატოვებ გაზაფხულზე თესვასა და მკას,
 ცეცხლს გაგატან შენს სამყოფელს,
 შენს სიყვარულს – ქარს,
 და მოგიკლავ, მოლაღატეგ, მაგ ნაფერებ ქმარს...
ზღვისფერი გაქვს თვალები და
 თავად ჰგაგხარ ზღვას.

ხალხური

ქალაუ, ისეთი თეთრი ხარ,
 როგორც საყდარში კირიო,
 სიზმარში მომავონდები,
 წამოვჯდები და ვტირიო,
 შენი დანახვა მეწადა,
 რად მომარიდე პირიო.

შენ რო გკონივართ, ვაჟო,
 არცა ვგეთა ქალნი ვართ,
 კოშკნი ვართ კირით ნაგებნი,
 აკლდამაისა კარნი ვართ,
 მაღალ მთას გადამდინარნი
 წვრილნი ლემადის ქარნი ვართ,
 იწროს ხევს ჩამამდინარნი
 ფონთ გაუვალნი წყალნი ვართ,
 ცეცხლნი – მინდორში ნაგზებნი,
 ვაჟაგ – შენს გულზე აღნი ვართ.

რიონ აბუსერიძე

დედაშენი რვა ნომერ „კენტს“ აბოლებს,
 ჩემი ნენე მჭადზე ასვამს ჯვარებს,
 დედაშენი შარვლით ტაძარს ამდურებს
 ჩემი ნენე – ჩადრში მაღავეს ხატებს.

დედაშენი „მერსედესით“ დადის და
 ჩემი ნენე – მიუყვება გუთანს,
 დედაშენს „უა-დორეს“ სუნი ასდის და
 ჩემი ნენე ბაღახის სუნს სუნთქავს.

თქვენთან როცა რიჟრაჟია მაშინ,
 ჩვენთან უკვე სულის ორთქლი დგანა,
 ბილბორდები გიშრიალებთ ქარში,
 ჩვენს სოფელში იბურძგნება ყანა.

დედაშენის ვარცხნილობა – „კარე“,
 ჩემი ნენე ველზე იშლის დაღალს,
 ლენაქიდან მხოლოდ თვალებს აჩენს,
 დედაშენი მხოლოდ თვალებს მაღავეს.

ჩემი ნენე – წარსულიდან ხენეშის,
 დედაშენი – ევროპულად ოხრავს,
 თქვენთან ახლა მოდაშია სექსი,
 ჩვენთან ბავშვი კვლავ წეროებს მოჰყავს.

დედაშენი ეშმაკის გზას იბეგებს,
 ჩემი ნენე სამოთხის გზას გაშლის,
 დედაშენი თორმეტ აბორტს იკეთებს,
 ჩვენთან უკვე თორმეტი ვართ სახლში.

ვფიქრობ ასე, ვსლუკუნებ და მტკივა,
 სურვილები განცდებს ვეღარ მართავს,
 დედაშენი – ქართველ ქალის სახე??
 ჩემს ნენეს კი ეძახიან თათარს!..

თავმას ჩოხელი,

*თბილისის ჯვარის მამის სახელობის ტაძრის მღვდელმ-
 სახური, დეკანოზი*

ნუ მომკლავ, დედა!

*ნუ მომკლავ, დედა, მინდა ვიცოცხლო,
 და ქართველობის ვწიო ჭაპანი,
 გაირდები, ჩემით იამაყებენ,
 ჩემთვის უცნობი მამა-პაპანი.
 ნუ მომისწრაფებ სიცოცხლეს, დედა,
 უტყვი ვედრებით მე ამას ვითხოვ,
 მინდა გიყვარდე, შევიგრძნო მინდა,
 შენი ალერსი და შენი სითბო.
 იებს დაგიკრეფ აპრილის თვეში
 სიფრიფანა და ლურჯთვალა იებს,
 მინდა ვიცოცხლო, შენ კი ილოცე,
 ნუ მაქცევ მიწად, ნუ გამაცვიებ,
 თუ ნანობ, მინდა, რომ გაგიქარვო,
 სულის ტკივილი, გულის დარღები,
 უფალს ვთხოვ, დედა, შეგინდოს ცოდვა,
 უმანკო ჩვილის არდაბადების.
 მე გაზაფხულზე სიმღერად მოვალ,
 შენი ცხოვრების ტკივილებს წავშლი,
 იმ ქვეყნიდანაც დაგეხმარები,
 დღითით მოგლენილი, უმანკო ბავშვი.*



ნათო
კახიშვილი

ქალი

ზამთრის სუსხიან გზას ქალი მოჰყვებოდა,
 თოვლის კრისტალებით თვალებდანამული;
 მშვიდად მოდიოდა, კდემით, თან მოჰქონდა,
 რაღაც იდუმალი სეველა, დაფარული.
 სივრცეს გადახედა, თითქოს გამოერკვა,
 ქალი მშვენიერი, ფიქრში ჩაძირული,
 თვალს არ დაუჯერა,
 როცა შეამჩნია
 ახლოს ენძელების უცხო თაიგული.
 გზად თოვლი დამდნარიყო,
 ფურუსულების გუნდი ამდგარიყო,
 ქალი კი გაზაფხულის
 სურნელით გამთბარიყო!
 თითქოს გაიოცა ბუნების სასწაული,
 თოვლში გაყინული შეერთა ქალის გული,
 თვალს არ დაუჯერა, თმაში ჩაჰკინძვოდა
 ყოწივარდების უცხო თაიგული!
 გზად თოვლი დამდნარიყო,
 შროშანების გუნდი ამდგარიყო,
 ქარი კი გაზაფხულის
 სურნელით გამთბარიყო!
 მიენდო მაჯისცემას,
 გულსაც დაუჯერა,
 სეველა გაფერმკრთალდა თვალებში ჩაკირული.
 ქალს გზას უკვალავდა, სიყვარულს ჰპირდებოდა,
 მარტი, ღიმილი და იების თაიგული!

რომან ზუბაკიშვილი

ქალი

ქალი, გაზაფხულის მზე ხარ,
 შენით ნათობს არე-მარე,
 მოსდებიხარ ჩემს გზებს ცეცხლად
 და ვეღარსად დაგემაღე.
 რაინდია სწორედ ისა,
 ვინც ამ გზებს დღე შეაღია,
 სიო ვარდთა რტოებისა,
 შენი სიზმრის შრიალია.
 ისე გშვენივს ფერთა ალი,
 როგორც შვენივს ნამი სისხამს,
 შენი გულის ფეთქვა არის
 გაზაფხულის ნაბიჯის ხმა.
 ძარღვში სისხლი აზვირთდება
 და გრძნობ, როგორ გიყვარს ყველა.
 სიხარულის დარს გვირდება
 მაგ ღიმილის ცისარტყელა.
 გადააქცევ ყველას მგოსნად,
 გახლავს ხიბლი და ცდუნება,
 შენ ხარ ჩვენთან იის მოსვლა
 და მერცხლების დაბრუნებაც.
 მოსული ხარ ედემიდან
 სხვა სინაზით და სხვა ეშხით,
 შენ ყოველდღე თენდები და
 ხანძარივით ჩნდები ჩვენში.
 ქალი, სიყვარულით გეფარავ,
 ვიბრძვი, ვშრომობთ, ვწერთ თუ ვგალობთ,
 და ქედს ვიხრით შენს წინ, მარად.
 ამ სამყაროს დედოფალი!

ბიბი ელერაშვილი

*საგარეჯოს პირველი საჯარო სკოლის VIII კლასის მო-
 სწავლეა. უყვარს საქართველოს ისტორია, წიგნების კითხვა,
 დიდი პაპის ისტორიკოს ალექსანდრე ელერაშვილის ბიბ-
 ლიოთეკასა და არქივებში საინტერესო მასალის მოძიება.
 თავისუფალ დროს კალამსაც ცდის – ხან ღამე წამოეწევა
 სათქმელი, ხან დღე. თავის ნაფიქრ-ნააზრებს ფურცლებზე
 გადმოიტანს და მსმენელს უზიარებს. გიგი ამ ლექსებით
 ულოცავს დედებს, ბებებს, თანატოლებს გაზაფხულის
 შემობრძანებას.*

დღე და ღამე ერთმანეთში ირეოდა,
 ფიქრი ფიქრზე მიჯაჭვული იბნეოდა,
 სიღამაზე სიყვარულით იცვლებოდა
 და გულები სიხარულით ივსებოდა.

სიამაყე თავმდაბლობით იცვლებოდა
 და სიყვარულს ხატის წინაც უფიცებდა.
 დღე და ღამე ერთმანეთში ირეოდა
 ფიქრები კი გულთან ახლოს მიდიოდა.

ბოდიშს მოგიხდი

ბოდიშს მოგიხდი თუ რამ შეგცოდებ?
 თუ გაწყენინე რამე ნათქვამით.
 მე შენ გეძახი და გეუბნები,
 მომენატრები შენი ღიმილით.

ბოდიშს მოგიხდი თუ გაწყენინე,
 თუ ჩავიდინე რამე სატკენი.
 ვერ დაგანახე ჩემი გრძნობები
 და გაგაწილე შენი ფიქრები.

მე ისევ შენს გულს ვეჭრფივალე,
 იქნებ ვიპოვო ადგილი ჩემთვის,
 ველაპარაკო შენს წმინდა თვალებს,
 იქნებ ავეხსნა რაშია საქმე?

ამ შავ თვალებს
 გრძნობით სავესე
 მე შეეყურებ, როგორც მოვარეს,
 რაღაც უცხო გრძნობა მახრნობს.
 მაგრამ რა ვქნა, ვერას ვამბობ,
 იქნებ რამე გამოვიდეს,
 ცდამ ბედსაც კი რაღაც არგოს.
 იქნებ რაღაც იდუმალი
 შენც კი გტანჯავს, მაგრამ რას შობს?!
 იქნებ ვცადოთ, რამე სათნო,
 მე ხომ რაღაც პატარას გთხოვ?!

შოთა ძავთარაძე

დღეს არაფერი არ შეიცვლება,
 რადგან შენ ჩემი მეუღლე გაქვიან...
 მაგრამ მე ვფიქრობ –
 ხომ შეიძლება,
 მენახე, მაგრამ ძალიან გვიან.
 ხომ შეიძლება, გეცხოვრა სადღაც,
 შევხვედროდით და ჩაგველო უბრად.
 შეეწყობოდი სრულიად სხვა კაცს,
 დაუმშვენებდი ოჯახს და სუფრას.
 ეს გაზაფხული შენით მიცვნია,
 გზადგაგზა

მინდვრის
 ყვავილებს ვითვლი...
 და ახლა ფიქრიც არ შემიძლია,
 რომ შენ შეგეძლო ცხოვრება სხვისთვის.





მილოცვა

დაბადების დღეს ვულოცავთ ჩვენს სახელოვან თანამემამულეს, თავისუფალ ჭიდაობაში მსოფლიოში აღიარებულ ფალავანს, ორგზის ოლიმპიური თამაშების, ხუთგზის მსოფლიოს, მრავალგზის ევროპისა და ყოფილი საბჭოთა კავშირის მრავალგზის ჩემპიონს, ბეჭდაუდებელ ფალავანს, საქართველოს ჭკმმარიტ მამულიშვილსა და გულშემმატკივარს **ლევან თადიაშვილს**. კაცს, ლეგენდას, რომელმაც თავისი ადამიანობით, ბუნებიდან მონიტეგებული ნიჭით, სიალაღით და სიკეთით ქართველი კაცის ფენომენი მსოფლიოს გააცნო.

დიდხანს სიცოცხლეს, ჯანმრთელობას გისურვებთ ბ-ნო ლევან, გაიხარეთ თქვენს ოჯახთან ერთად.

სიყვარულითა და პატივისცემით

აიკ „საბარეჯოს სპორტბაერთიანება“.

პედაგოგთა შეხვედრა

ერთმანეთის შემოქმედება ბაიციანს



7 მარტს მარტის დღესასწაულები – დედის და ქალთა საერთაშორისო დღეები აღნიშნეს საგარეჯოს მუნიციპალიტეტის საჯარო სკოლების შემოქმედი პედაგოგების ერთმა ნაწილმა. საგარეჯოს კულტურის სასახლის ფოიეში მოწვეობილმა კაფესალამომ შემოქმედი ქალების ნამუშევრები, მათი ნიჭი და სახელოვნებო უნარი წარმოაჩინა. ამ დღეს ერთმანეთს ეპაექრებოდნენ ლექსსა და სიმღერაში, ცეკვაში. მაგრამ ყველაზე საინტერესო მინც გამოფენა იყო, სადაც ის ნამუშევრები იყო წარმოდგენილი, რომლებიც პედაგოგთა მიერ იყო შესრულებული. აქ იყო საგარეჯოს IV საჯარო სკოლის დაწვებითი განათლების საფეხურის პედაგოგების მარიანა შიოშვილის, ირმა შევლიძის ნახატები, შრომითი სწავლების მასწავლებლის ნელი ბასილაშვილის ნაქარგები, წყაროსთავის საჯარო სკოლის მასწავლებლის მარინე ბუჩუკურის ნაქარგები შესრულებული სუფრები, მანავის საჯარო სკოლის მასწავლებლის მარინე საბაშვილის ნაქარგები, თოხლიაურის საჯარო სკოლის ხელოვნების მასწავლებლის ნათია გულისაშვილის ნახატები, კაკაბეთის საჯარო სკოლის ხელოვნების მასწავლებლის თამილა ჯოხაძის მიერ შესრულებული ნახატები.

ეს დღე კეთილსამაზსოვროდ დარჩებათ საგარეჯოს მუნიციპალიტეტის პედაგოგებს, რომელთაც ერთმანეთის შემოქმედება უფრო ახლოს გაიციან და ხელოვნებამ კიდევ უფრო დააქაჟშირა. საქართველოს განათლებისა და მეცნიერების სამინისტროს საგარეჯოს რესურს-ცენტრის დირექტორის მანანა ცუცქერიძის ინიციატივით მარტის დღესასწაულების ასეთი სახით პედაგოგებისათვის მილოცვამ მართლაც რომ დიდი სიხარული და კმაყოფილება გამოიწვია – შემდეგში ხელოვანი პედაგოგები უფრო ფართო მასშტაბით შეეცდებიან თავიანთი ნამუშევრების წარმოდგენას ფართო აუდიტორიის წინაშე.

ქალები და კიუ-დო

პირველი ნაბიჯები, პირველი გაეარჯვებები



განცხადება

2014 წლის 12 მაისს 14 საათზე ქ. საგარეჯოში დ. აღმაშენებლის ქუჩა №9-ში (საგარეჯოს მუნიციპალიტეტის გამგეობის შენობა) გაიმართება შპს „მირაბილიტი მაინინგი“-ს მიერ მშენებარე (რეინიგზის სადგურის მიმდებარე ტერიტორია) მირაბილიტის (ნატრიუმის სულფატი) გადასამუშავებელი საწარმოს გარემოზე ზემოქმედების შეფასების ანგარიშის საჯარო განხილვა.

დაგეგმილი საქმიანობის მიზანია ქვეყნის საწარმოებისათვის მირაბილიტის (ნატრიუმის სულფატი) მიწოდება.

საწარმოს საქმიანობის გარემოზე ზემოქმედების შეფასების ანგარიში ხელმისაწვდომია შემდეგ მისამართებზე:

ქ. თბილისი, გულუას ქ. №6. საქართველოს გარემოსა და ბუნებრივი რესურსების დაცვის სამინისტრო (ლიცენზიებისა და ნებართვების დეპარტამენტი);

შპს „მირაბილიტი მაინინგი“ ქ. თბილისი, მცხეთის ქ. №20, მცხეთის I შესახვევი №3, ბინა 7.

ქ. თბილისი, ჩიქოვანის ქუჩა №4-6-8-10;

შპს „გუგა“ ქ. თბილისი, აბო თბილელის ქ. №12

საზოგადოების წარმომადგენლებს გარემოზე ზემოქმედების შეფასების ანგარიშის შესახებ საკუთარი მოსაზრებების და კომენტარების გამოვლენა შეუძლიათ შემდეგ მისამართებზე:

* ქ. თბილისი, მცხეთის ქ. №20, მცხეთის I შესახვევი №3, ბ-7;

* ქ. თბილისი, ჩიქოვანის ქუჩა 4-6-8-10;

საკონტაქტო პირები: დავით მაღლაკელიძე. ტელ: 599 339 393;

გენადი უბირია. ტელ: 579 02 01 10

მოსაზრებების და კომენტარების წარმოდგენის ვადაა 2014 წლის 1 მაისი, 18 საათამდე. შპს „მირაბილიტი მაინინგი“-ს აღმინისტრაციის

ქართულ-გერმანული ერთობლივი მასტერკლასები

საგარეჯოს მუნიციპალიტეტის სპორტულმა გაერთიანებამ ისრაელის ძიუდოს კლუბს უმასპინძლა. ძიუდოსტმა გოგონებმა და ვაჟებმა ერთობლივი ვარჯიშში სპორტსკოლის შენობაში გაიარეს, მათ ერთმანეთს ქართული და გერმანული მასტერკლასები გააცნეს.

ვარჯიშის შემდეგ სტუმრებმა საგარეჯოს მუნიციპალიტეტში არსებული ღირსშესანიშნაობები მოინახულეს.

საბარეჯოს მუნიციპალიტეტის გამგეობის საზოგადოებასთან ურთიერთობის სამსახური



საგარეჯოს მუნიციპალიტეტის გამგეობის ბიუჯეტის დაგეგმვისა და აღვილობრივი ფინანსების მართვის სამსახურის თანამშრომლები თანაგრძნობას უცხადებენ ამავდროულად სამსახურის უფროს საჯარო მოხელეს საზინის საკითხებში მანანა ხიზანიშვილს მეუღლის **აკაპი შალვაშვილის** გარდაცვალების გამო.

გაზეთ „გარეჯის მაცნე“ რედაქცია თანაგრძნობას უცხადებს მანანა ხიზანიშვილს მეუღლის **აკაპი შალვაშვილის** გარდაცვალების გამო.

გაზეთ „გარეჯის მაცნე“ რედაქცია თანაგრძნობას უცხადებს ქალაქის ტერიტორიული ორგანოს მთავარ სპეციალისტს მიშა შათირიშვილს მამის **ბიგი შათირიშვილის** გარდაცვალების გამო.

„გარეჯის მაცნე“ გამომცემელი შპს „გარეჯის მაცნე“

რედაქტორი:
თინათინ ილაური

რედაქციის მისამართი: ქ. საგარეჯო, დ. აღმაშენებლის ქ. № 15,



გაზეთი აიწყო და დაკაბადონდა შ.პ.ს. „გარეჯის მაცნეში“ დაიბეჭდა თბილისში, გამომცემლობა „კოლორში“.

ტელეფონები: 24-32-07 599 502 842 599 851 143

ელ. ფოსტა: gareji2011@mail.ru